




www.BibleForChildren.org


उत्पत्ति 1




सुरु हे, भगवान आकास अउ भुंइ
के बनाइस . . .



... भुंइ बेढंग अउ सुनसान रथै,
अउ गहीर पानी कर उप्पर
अंधियार रथै, पय भगवान कर
आतमा पानी के उप्पर मडराथै।




तब भगवान कहिस, उजियार हुइ जा, ता उजियार हुइ गइस।
अउ भगवान उजियार के दिन अउ अंधियार के रात कहिस, मतलब
संझा हुइस फेर बिहन्ने हुइस, हइ मेर लग पहिले रोज हुइस।




फेर भगवान कहिस, पानी कर बीच अक असना अन्तर हुइ जा कि
पानी दुइ भाग हुइ जाय। अउ भगवान ऊ अन्तर के आकास कहिस,
मतलब संज्ञा हुइस फेर बिहने हुइस, हइ मेर लग दूसर रोज हुइस।




फेर भगवान कहिस, आकास कर तरी पानी अक जिघा अकजुट हुइ
जाय अउ झूर भुंइ दिखाई दे, अउ ओसनेन हुइ गइस
भगवान झुराय हर जमीन के भुंइ कहिस अउ जउन पानी अकजुट हुइस
ओही समुन्दर कहिस अउ भगवान देखिस ता कहिस निक्खा हबै।




फेर भगवान कहिस भुंइ लग हरियर चारा अउ बिजहा बाले नान-नान
पउधा अउ फडुहा बाले रूख जिनखर बिजहा उनखरै हे अक-अकठी
जात के जसना हबै, अउ भुंइ हे जमै अउ
ओसनेन हुइ गइस। तब संझा हुइस
फेर बिहन्ने हुइस, हइ मेर
लग तीसर रोज हुइस।




अउ भगवान दुइठे बडा-बडा जोती बनाइस, दिन हे राज
करै के निता बेरा अउ रात हे राज करै के
निता जोनइहा बनाइस, अउ तराइयन के
बनाइस। तब संझा हुइस फेर बिहन्ने हुइस,
हइ मेर लग चउथा रोज हुइस।



तब भगवान कथै, "समुन्दर के जिन्दा
परानी जलचरन लग भर जाय,
अउ चिरइया भुंइ कर उप्पर आकास हे
उडै।" फेर संझा हुइस अउ बिहन्ने
हुइस, हइ मेर लग
पांच रोज हुइस।




फेर भगवान कथै, भुंइ लग सबैमेर कर जिन्दा जीव, मतलब रखै बाले
पसु, अउ रेंगै बाले जीव, अउ भुंइ के जंगली जानवर नान अउ बडा
पइदा होय, अउ ओसनेन हुइ गइसा।




फेर भगवान कथै, मै मनसे के अपन जसना बनाहुं, अउ ऊ समुन्दर के
मछडी, अउ आकास कर चिरइया, अउ रखै बाले पसु, अउ सगलू भुंइ हे
अउ सगलू रेंगै बाले जीव हे जउन भुंइ हे रेंगथै, उनखर उप्पर हक होय
तब भगवान मनसे के अपन जसना रचिस। अउ ऊ उनही अपन जसना
डउका डउकी करके बनाइस। तब भगवान
जउन कुछ बनाय रथै, सगलू के देखिस,
ता का देखिस, कि ऊ बोहत निक्खा
हबै, तब संझा हुइस फेर बिहन्ने
हुइस, हइ मेर लग छय
रोज हुइ गइस।



तब भगवान आदम के लइके अदन के बगिया हे रख दइस,
कि ऊ ओहमा काम करै अउ ओखर देखभाल करै।



अउ भगवान आदम के हइ
आदेस दइस, तै बगिया कर
सगलू रूख कर फडुहा के
खाय सकथस। पय निक्खा
अउ बुरा के ग्यान के जउन
रूख हबै, ओखर फडुहा तै
कबहुन झइ खाबे, काखे जउन
रोज तै ऊ फडुहा के खाबे ता
उहै रोज जरूर मर जइहे।



मनसे सब पोसे बाले पसु अउ आकास कर
चिरइया अउ बन पसुन कर नाम धरिस,
पय आदम के निता कउनो असना
सहायक नेहको मिलिस जउन ओखर लग
मेराय सकै।




तब भगवान आदम के बोहत गहरी नींद हे सोबय देथै, अउ जब ऊ सोय
गइस ता भगवान ओखर अक्ठी पसली निकार के ओखर जिघा हे मांस
भर दइस। अउ भगवान ऊ पसली के जउन
ऊ आदम लग निकारे रथै, डउकी बनाय दइस,
अउ ओही आदम कर
लिघघो लइ आनथै।



हइ कारन डउका अपन दाय-बाफ के छांड के
अपन डउकी लग मिले रही, अउ ऊ अक्के देह बने
रइहिन।



भगवान हइ दुनिया लग अइसन माया करिस,
कि ऊ अपन अकठी टोरवा के दइ दइस, ताकि
जउन कउ ओखर उप्पर बिस्वास करही, ऊ
नेहको मरही, बलुक सबरोज के जीवन पाही।



रोमियो 3:23 काखे सगलू ज्ञान पाप करे हबै अउ सगलू ज्ञान भगवान कर महिमा लग दुरिहां हुइ गय हबै।

रोमियो 6:23 काखे पाप के मजदूरी ता मरै के हबै, पय भगवान के बरदान हमर परभु यीसु मसीह हे सबरोज के जीवन हबै।

इब्रानिन 9:27 जउन मेर मनसेन के निता अक्कै बेर मरना अउ एखर बाद ओखर नियाव होय के निता तय हबै।

इफिसियों 2:8,9 काखे बिस्वास के द्वारा अनुग्रह लग तुम्हर मुकति होय हबै अउ हइ तुम्हर पल्ला लग नेहको, पय भगवान के बरदान हबै, हइ तुम्हर कउनो काम के कारन नेहको मिलथै, असना झइ होय कि कउ घमंड करै।

रोमियो 10:9,10 काखे अगर तुम मुंह लग सुइकार करथा कि यीसु परभु हबै, अउ मन लग बिस्वास करथा कि भगवान उके मरे हर मसे जिन्दा करिस, ता तुमही मुकति मिलही। काखे नियाइपन के निता मन लग बिस्वास करै लग धरमी मनसे ठहरथै, अउ मुंह लग सुइकार करै लग उके मुकति मिलही।



यूहन्ना 3:16,17 "भगवान हइ दुनिया लग अइसन माया करिस, कि ऊ अपन अक्ठी टोरवा के दइ दइस, ताकि जउन कउ ओखर उप्पर बिस्वास करही, ऊ नेहको मरही, बलुक सबरोज के जीवन पाही। भगवान अपन टोरवा के दुनिया हे इहैनिता नेहको पठोइस कि दुनिया हे सजा के आदेस दे, पय इहैनिता दुनिया ओखर द्वारा मुकति पाबै।"

1 यूहन्ना 5:11-13 अउ ऊ गवाही हइ हबै, भगवान हमके सबरोज के जीवन दय हबै, अउ हइ जीवन ओखर टोरवा हे हबै। जेही टोरवा मिल गय हबै, ओही जीवन मिल गय हबै, अउ जेही भगवान कर टोरवा नेहको मिले हबै, ओखर हे जीवन नेहको हबै। तुम सगला भगवान कर टोरवा के नाम हे बिस्वास करथा, मै तुमके हइ चिट्ठी लिखथो जेखर लग तुम हइ जान लेया कि तुमही अनन्त काल के जीवन मिले हबै।



उत्पत्ति 1-2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: Bob Davies; Tammy S.

Bhumiya Bible (bhu) © The Word for the World International
and © 2025 Bhumiya Bhasha Samiti, Madhya Pradesh

<https://www.bible.com/en-GB/bible/3712/MAT.1.BTP25>

©2026 Bible for Children, Inc.

www.M1914.org

www.bibleforchildren.org

